

محراب

اقتصادی ، اجتماعی ، فلسفی ، تاریخی ، ادبی مجموعہ در

شیدیلک اون بش کونده نشر اولنور

مندرجات

- اسلام «ادوار مونته» . ۱ م . شکیب
- عاصی «اجتماعی حکایہ» . ۱۰ م . جامی
- عبدالحق حامدک بکک غیرمنتشر مکتوبلری ذلیل خالد
- اوقاف برنظرہ «افغانستان» عبدالرشید ابراہیم
- وضوحسزلق «الہیات فا کولتہ سی مناسبتیلہ» محمد علی عینی
- اورتا آسیادہ تورکمن «تورکمنلرک دینی» علمی ضیا
- شیخ سہروردی حیاتنک صوکلرندہ یوسف ضیا
- حی بن یقظان «ابن طفیلک فلسفی رومان» رشید
- سرآب : قدریہ حسین — شرق : ملیحہ نوری — غزل : روحی — غزل : جمیل رافت —
- یگی نشریات ، قرآن ترجمہ لری ، آنادولی مجموعہ سی : شرف کاظم

شہزادہ ہاشمی : اوقاف مطبعہ سی

۱۹۲۴ — ۱۳۴۰

فی بطن لشاعر) دیوب کچمیهلم . مع مافیه تشکرده ایددلم که انکلین تیمور یولی مأمورلرینه بیدریغ بویوریلن التفاتده کی الفاظ منتخبه آنلرکا کلامیه جنی برشیوه شرقدہ ایراد ایدلمشدر؛ یوقسه! ینه بو مکتوبده وعدمدن خلف ایتدیکمدن و آرزو بویوریلن آدرس کوندرمدیکمدن طولایي بو عاجزلرینه تعریضده بولنیورلر . بو آدرس وقعه سی - تحلیل جهان دکر می دکمز می بیله مم - کچمش زمانه عا ئددر ولوندره محشرینک افقنی بعضاً قابلايان سیاه سیسلر ایچنده غائب اولوب کیتمشدر .
فہیل ظالم

اوافق بر نظره

۲

مجموعه نك ۹ نجی صایبسنده هندستانه عطف نظر ایدلدیکی صیراده هندك افغانستانه اولان مجاورتی عرض اولمشیدی . افغانستان اساس اعتباریله مستقل بر مملکت دکلدر هندستانك برجئی عداولنور . بالخاصه افغانستانك جبال قسیمی اوتہ دنبرو « هندو کش » نامیله معروف اولوب ، هندستان حکومت اسلامیه سنه مربوط بر ایالتدن عبارت ایدی . جیچون ساحه سی ایسه (آمودریا) من القديم والی الان ترکن خلقی ایله مسکون اولوب ، یالکین موقع جغرافیسی سایه سنده افغانستانه مربوط قالمشدر . هرات جهتلری ده ، سکنه سی کاملاً ایرانی اولوب ، عادتا بر عجمستاندر ، اصل افغانیلر ، بوکونیکی افغانستان داخلنده نهایت اولسه اولسه ، برملیون نفوس تخمین اولنه بیلیر ، افغان عرقی اکثریتله مرکزی هندستانده ساکندر . « بوبال » اهالیسی عمومیتله دنیلہ جک درجه ده افغانیدر . « رانپور » خاقی افغانیدر . پنجاب وسند ولایت لرنده کلیتی افغان عرقی بولنور ، یوسف زه ی ، افریدی ، وزیرستان مرهمن ناحیه لری بوکون افغان ملتی میاننده اک مهم بر عنصر عد اولنورلر . بلاد مذکوره هندستان ده اولوب پشاور ولایتی نواحی سندندر . افغانستانجه اک معروف لسان ، « یوسف زه ی » لسانی در ، بوتون افغان ادبیاتی وشعراسی قبیله مذکوریه منسوبدر .

افغانستان پای تختی کابل وفندهار بلده لرنده آوروپا سیاسیونی نزدنده بیله هندستانك قاپوسی منزلنده اولدینی جهتله ، افغانستان حکومتی تأسس ایتمشدر . چارلق زماننده روسلر کابلہ قدر کیده بیلسه لردی ، هندستان نه زمان اولسه ده بزمردیه جکلردی .

ذاتاً اورالرده - ساکن اهالی نك قسم اعظمی هندلیدر بالخاصه کابلده تجار و اغنیا عمومیتله هندلیدر . هله قندهار ایله جلال آباد میانده سکنه افغانی ثلث درجه سنده در .

عمومیتله افغانستان سکنه سی ملل مختلفه دن مرکب اولوب : ترکمن ، عرب ، ارمنی ، روم ، یهودی ، هندی ، ایرانی و سائرده در فقط بوگون کاملاً افغان اولمشلر . عربلردن قبل الاسلام افغانستانه هجرت ایتمش قبائل ، عشیرت حالده کفر و ضلالتده یاشامش ، بالاخره عبدالرحمن خان زماننده اهتدا ایتمش برطائفه آلان موجودر .

نفس افغان ملتدن اغنیا و تجار پک نادر در . بوتلر منحصر ا قندهارده بولنورلر ، یشقه ولایت لرده - ساکن اغنیا عمومیتله هندی یا که ایرانیدر ، بالخاصه کابل اغنیاسی تماماً هندلیدر . اصل افغانیلر ایسه زراعت و باغچه بانلق ایله تأمین معیشت ایدر . هند تجارندن بر قسمی انکلیر سرمایه سیله تجارت ایدر . لدی الایجاب انکلیر منفعتنه دخی خدمت ایدر . مع مافیه افغانستان ولایات مختلفه سنده هندی تجار ، علما ، مشایخ ، معلم ، اصناف کثرتله بولنور . خلاصه افغانستانک بوتون احتیاجی و مدار تعیشی هندیلر طرفندن تأمین اولمشلدر . هله معارف اسبابی : کتاب و مطبوعات و علما هپ هند محصلولیدر . افغان طلبه سی عمومیتله هندستانده تحصیل ایدر .

افغانستان جبال متسلسله سی هند حدودنده ساکن ، قبائل بادیه دن اون ایکی عشیرت حالده یاشامقده اولوب ، جنکاورلک ایله معروفدرلر ، بوتلر استر موقع جغرافیة لری ، استر وحشتلری سایه سنده ایکی حکومت میانده بر حصن حصین کیی بولنورلر . بوقبائل حقنده مفصل معلومات و یله منسه ده ، بوتلرک موقع سیاسیة لرینی تقدیر ایچون ، انکلیر افغان حکومت لری میانده تقرر ایتمش صوک معاهده شرائطی نظر اعتباره آلنورسه ، انکلر حکومتی افغانستان استقلالیتی تصدیق ایتدیکی صیره ده ، بر ماده و برنجی شرط اوله رق ، افغان حکومتینک قبائل مذکوریه قطعیا معاونتده بولنماه سنی قید ایتسی کفایت ایدر .

افغانستانه بوجهتدن بر نظر اولنورسه ، هندستان انقلابی لری و احرار ی نه ایچون ونه کی قوته استداد ایدرک استقلالیت آرقاسندن قوشدقلری داها بر درجه واضح صورتده انکشاف ایدر .

اسکیدن هندستانده اسلام و هند مسئله سی واردی ، انکلیرلر بومسئله دندن ده استفاده

ایدلردی ، شیمدی ایسه بتون کره ارضده جمهوریت حکمفرما اولدیغدن او اختلاف طبیعتیه زائل اولمشدر . خلافت مسئلهسی رفع اولدیفی کبی هندولر ایچونده قوشوقلانه حق هیچ برشی قالماشدر . شوخالده افغانستان دیمک عینا هندستان دیمک اولوب هر ایکسی بر مسئلهدر .

عبدالرشید ابراهیم

ادی

سراب

۶

اگر تاریخ بر تکرردن عبارت ایسه بشریت هر وجهله بر تقلیدن بشقه برشی دکلدر . هر شخص ، بر شخص دیگرک نسخه ثانیهسی ، هر فعل وقولی ده بونک بر دلیدر . بشر خلقه مقلددر . تحسین ایلدیکنی همه حال تقلید ایدر . بکزه دیشکده اسیریدر . کندینه مشابه اولمقدن ایسه بر باشقه سینه بکزه مکی ترجیح ایلر . هر طرز و بیانی بر عکس خدا ، هر حال واداسی مولود مشاهتدر .

هانکی باکر مضمون بر قاج عصر مقدمک نذکار مذ کوری دکلدر؟ بو کونکی حیرت آمیز بر حکمتک اولجه حاضره کلمه مش بر حقیقت اولدیفی کیم اثبات ایلیه بیلیر؟ نا کهنانی بر صورتده ابذال ایدیلن بر اثر مرحت و کرم ، قاج بطنک ساقه نفوذیه حصوله کلدیکنی بیلیرمی بز؟ واقعا اجرا ایدیلن بر لطف وعدالتک هانکی جدا کبر طرفدن اولاددن احفاده انتقال ایلش بر میراث لایفنی اولدیغنه دایر حکم ایتک مشکدر ، فقط عینی وقوعاتک عینی شرائط داخلنده کی وقوعی مشاهده ایتدیکنمز زمان ، تاریخک بر تکرردن عبارت اولدیغنه قناعت کتیرر و بو انعکاس ازله حیران اولورز .

غیر اختیاری مشاهتدر شویله طورسون ، لکن شخصیتی تمامیه ترکه بشقه سنک احوال وحرکاتی سرآپا تقلید ایدن انسانلر عجبا فصل کال وقوف ایله سربستی حیاتلری قدا ایلیه بیلیرلر؟ چونکه تقلید بر اسارتدر . آخردن استیجار سرمایه ایدنلر آخره مدیوندرلر . هر دینده بزباغدر . شوخالده صنم حریت نشیده لر اوقویان بشریت ، عجبا نشاندک ماهیت اصلیه سنی لایقیله ا کلیورجی ؟

انسان ، نه قدر ممتاز بر ماده ایله خلق اولمش بر وجود اولمیدر که هیچ بر تماس